

I. DISPOSICIÓNS XERAIS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Corrección de erros.-Decreto 427/2009, do 19 de novembro, polo que se crean e se regulan as comisións e os grupos de traballo para o deseño e a implantación da nova oficina xudicial en Galicia.

Advertidos erros no devandito decreto, publicado no DOG nº 236, do pasado 2 de decembro de 2009, cómpre facer as oportunas correccións:

1. Na páxina 18.480, o artigo 2º letra a) onde di: «Presidente/a: conselleiro/a de Presidencia, Administracións Públicas e Xustiza, ou persoa en quen delegue», debe dicir: «Co-presidentes/as: conselleiro/a de Presidencia, Administracións Públicas e Xustiza e presidente/a do Tribunal Superior de Xustiza de Galicia, ou persoas en que delegue».

2. Na páxina 18.481, o artigo 2º letra b) onde di: «Pola Administración de xustiza en Galicia:

-Presidente/a do Tribunal Superior de Xustiza de Galicia.

-Fiscal superior da Comunidade Autónoma de Galicia.

-Secretario/a de Goberno do Tribunal Superior de Xustiza de Galicia.

-Dous membros designados de entre as organizacións sindicais con representación na Mesa Sectorial de Xustiza en Galicia, por proposta da mesa».

Debe dicir:

«Pola Administración de xustiza en Galicia:

-Fiscal superior da Comunidade Autónoma de Galicia.

-Secretario/a de Goberno do Tribunal Superior de Xustiza de Galicia.

-Dous membros designados de entre as organizacións sindicais con representación na Mesa Sectorial de Xustiza en Galicia, por proposta da mesa».

III. OUTRAS DISPOSICIÓNS

CONSELLERÍA DE PRESIDENCIA, ADMINISTRACIÓNS PÚBLICAS E XUSTIZA

Orde do 9 de decembro de 2009 pola que se resolve a cesión en propiedade de vehículos especialmente preparados para os concellos da Comunidade Autónoma galega que contén con servizos de policía local.

Por Orde do 29 de decembro de 2008 (DOG nº 2, do 5 de xaneiro de 2009) a Consellería de Presiden-

cia, Administracións Públicas e Xustiza anunciou medidas de apoio á Policía Local de Galicia, consistentes na cesión de vehículos especialmente preparados para o exercicio das súas funcións.

Analizadas as solicitudes e a súa documentación, de acordo cos criterios de avaliación recollidos no artigo 5 da orde antedita, elevouse a correspondente proposta mediante acta motivada, e de conformidade co artigo 6 da citada orde

RESOLVO:

Primeiro.-Ceder en propiedade vehículos equipados para uso da policía local aos concellos que se relacionan no anexo.

Segundo.-Notificar o contido desta resolución aos concellos beneficiarios, especificando as condicións particulares que deberán cumprir, e a súa cesión formalizárase mediante acta subscrita pola secretaria xeral desta consellería ou funcionario/a en que delegue, debendo constar nela o acordo de cesión e a aceptación do cesionario, segundo establece o artigo 9 da Orde do 29 de decembro de 2008, pola que se anuncian medidas de apoio á Policía Local de Galicia, consistente na cesión en propiedade de vehículos especialmente preparados para o exercicio das súas funcións.

Terceiro.-Contra esta resolución, que esgota a vía administrativa, poderase interpoñer recurso de reposición ante este mesmo órgano, no prazo dun mes contado a partir do día seguinte ao da publicación desta orde, ou recurso contencioso-administrativo ante a Sala do Contencioso-Administrativo do Tribunal Superior de Xustiza de Galicia, no prazo de dous meses contados a partir do seguinte ao da publicación desta orde. En todo caso, non se poderá interpoñer recurso contencioso-administrativo ata que sexa resolto expresamente ou se produza a desestimación presunta do recurso de reposición.

Santiago de Compostela, 9 de decembro de 2009.

Alfonso Rueda Valenzuela
Conselleiro de Presidencia, Administracións
Públicas e Xustiza

ANEXO

**Marca e modelo: monovolume Renault Scenic 1.9 DCI
de 130 CV**

Concello destinatario	Nº de bastidor
Valdoviño	VF1JZ0N0642363351
Vimianzo	VF1JZ0N0642363352
Lalín	VF1JZ0N0642363355